

**Vischnaunca da Mustér**

# **Regulativ d'indemnisaziun**

**CUNTEGN**

PRINCIPI .....	ART. 1
INDEMNISAZIUN .....	ART. 2
FIXUM .....	ART. 3
DANER DA SEDUTA .....	ART. 4
LAVUR CUMINA .....	ART. 5
INDEMNISAZIUNS SPECIALAS .....	ART. 6
INDEMNISAZIUN PER PROTOCOLS.....	ART. 7
INDEMNISAZIUN DALLAS SPESAS .....	ART. 8
INCARICAS SPECIALAS .....	ART. 9
RENDAQUEN.....	ART. 10
ADATTAZIUN ALLA CARISCHIA.....	ART. 11
VIGUR.....	ART. 12
APPROBAZIUN.....	ART. 13

Il cussegl da vischnaunca da Mustér relai sebasond sin art. 36 al. 1, lit. c dalla constituziun communal il suadont regulativ d'indemnisaziun.

## Art. 1 Principi

<sup>1</sup>Quest regulativ normescha l'indemnisaziun dils commembers dad autoritads e da cumissions sco era d'ulteriurs funcziunaris che han en principi il dretg sin ina indemnisaziun per lur lavur, nunche prescripziuns specialas stipuleschien enzatgei auter.

<sup>2</sup>L'indemnisaziun duei esser adequata all'incarica ed al temps impundiu. Ils pertuccai ein obligai da tener il temps e las spesas en ina rama adequata all'impurtonza dalla funcziun digl uffeci.

## Art. 2 Indemnisaziun

<sup>1</sup>L'indemnisaziun secumpona d'in daner da seduta, sco era dad indemnisaziuns tenor schurnadas ni uras e dallas spesas. Supplementarmein vegnan incaricas tenor art. 3 indemnisadas cun in fixum.

<sup>2</sup>Specialas incaricas, sco lavurs da project, consultaziuns e survetschs che pretendan enconuschientschas dil fatg, vegnan indemnisadas tenor uras ni pauschal.

## Art. 3 Fixum

<sup>1</sup>Cun il pagament d'in fixum ein tuttas uras per l'obligaziun da presenza, per la direcziun e l'administraziun dils departaments, sco la preparaziun da sedutas, il studi dalla documentaziun per las sedutas, telefonats ed uatgas entochen in'ura cumpri.

President dil cussegl da vischnaunca frs. 1'500.--

President dil cussegl da scola frs. 2'500.--

President dalla cumissiun da gestiun frs. 1'000.--

<sup>2</sup>La lavur dalla suprastonza communal vegn calculada sco suonda:

President communal: max. 80%

Commember da suprastonza: en media in di da lavur per jamna

<sup>3</sup> Il temps d'engaschament dil president communal munta ad 80%. Quel sa variar denter minimal 50% e maximal 80% e vegn fixaus en entelgientscha cun la suprastonza communal. El cass d'in engaschament sut 80 % ha il president communal la pusseivladad d'engaschar in secretariat proporziunal alla reducziun dil pensum dil president.

<sup>4</sup> Il president communal vegn indemnisaus tenor la classa 23, scalem 14 dalla scala dallas pagas dil cantun Grischun resp. dalla vischnaunca da Mustér. Annualmein vegn il fixum adattaus cun in alzament d'in scalem tenor scala da pagas dalla vischnaunca da Mustér entochen al scalem maximal dalla classa 23 (duas periodas d'uffeci). In eventual secretariat vegn indemnisaus tenor engaschament da personal ordinari.

<sup>5</sup> Il vicepresidente survegn per sia funcziun ina indemnisaziun supplementara annuala da frs. 2'500.--. El cass ch'in remplazzament urgent dil president communal cuoza pli ditg che 30 dis senza interrupziun ha il vicepresidente dabien proporziunalmein la medema indemnisaziun sco il president communal.

<sup>6</sup> Igl engaschament fundamental dils ulteriurs suprastonts vegn indemnissaus cun la summa annuala da frs. 14'000.--. Mintga perioda d'uffeci ch'in commember da suprastanza aschunta vegn indemnissada cun in augment da 4%.

<sup>7</sup> El fixum dalla suprastanza communal e dil president communal ei l'indemnisaziun per tuttas sedutas ordinarias dalla suprastanza e dil cussegl da vischnaunca cuntenida.

<sup>8</sup>Quels fixums vegnan adattai alla carischia conform alla reglamentaziun cantunala.

<sup>9</sup>Tuttas indemnisaziuns per mandats ufficials en num dalla vischnaunca van en cassa communal.

#### **Art. 4 Daner da seduta**

<sup>1</sup>Is commembers dad autoritads, da cumissiuins ufficialas e delegai obtegnan per mintga seduta in daner da seduta da frs. 60.--.

<sup>2</sup>Is presidents dallas cumissiuins, ils quals survegnan negin fixum, retscheivan in supplement da 50 % dil daner da seduta.

#### **Art. 5 Lavur cumina**

L'indemnisaziun per la lavur cumina sco era quella per funcziunaris casuals vegn fixada dalla suprastanza communal.

#### **Art. 6 Indemnisaziuns specialas**

<sup>1</sup>Per incaricas, las qualas ein buca cuntenidas el fixum (art. 3) ni che obtegnan buca in daner da seduta, retscheivan ils funcziunaris ni commembers dallas cumissiuins in'indemnisaziun per ura da max. frs. 35.--.

<sup>2</sup>L'indemnisaziun per in miez di (3 tochen 5 uras) munta a frs. 130.-- e per in entir di (dapli che 5 uras) a frs. 250.--.

#### **Art. 7 Indemnisaziun per protocols**

Per la redacziun da protocols entras actuars accessoris obtegnan els in'indemnisaziun da frs. 60.-- per protocol.

#### **Art. 8 Indemnisaziun dallas spesas**

<sup>1</sup>Las indemnisaziuns dallas spesas sedrezzan tenor la legislaziun cantunala mintgamai valeivla. Per ils funcziunaris da suprastanza communal valan las suandontas spesas pauschals:

President communal	frs. 4'000.--
Commembers da suprastanza incl. diever dalla infrastruttura privata	frs. 1'250.--
Commembers dil cussegl da vischnaunca per diever dall'infrastruttura privata	frs. 200.--

<sup>2</sup>En l'indemnisaziun pauschala dallas spensas ein tuttas activitads enteifer la vischnaunca cumpridas.

<sup>3</sup>Per incaricas ordeifer vischnaunca vala la legislaziun cantunala.

### **Art. 9 Incaricas specialas**

Commembers dad autoritads e da cumissiuns sco era funcziunaris han da suttametter precedentamein alla suprastanza communal per approbaziun ina approximativa calculaziun da cuosts per incaricas sco lavurs da project, consultaziuns ni survetschs, che pretendan ina enconuschientscha dil fatg. Resalvau restan cass urgents.

### **Art. 10 Rendaquen**

Als commembers d'autoritads e da cumissiuns sco era ulteriurs funcziunaris meinan detagliadamein cudisch concernent lavurs, las qualas ein buca cuntenidas el fixum (exacta specificaziun dallas lavurs, temps impundiu, spensas). Il rendaquen vegn inoltraus all'administraziun communal e quei minimalme in gada ad onn sil pli tard miez december.

### **Art. 11 Adattaziun dalla carischia**

Las indemnisaziuns tenor art. 3 entochen art. 8 vegnan mintgamai adattadas alla carischia, sch'igl index naziunal dils cuosts da consuments semida per 10 puncts. Termin ei mintgamai igl emprem da schaner (stan emprem da schaner 2012 a 99.3 puncts, basa 2010). La tariffa vegn mintgamai rundada si sin francs entirs.

### **Art. 12 Vigur**

Quest regulativ d'indemnisaziun entra en vigur igl emprem da schaner 2022 e remplazza il regulativ da salarisaziun digl emprem da schaner 2013.

### **Art. 13 Approbaziun**

Approbau dil cussegl da vischnaunca en sia seduta dils 29 d'october 2021.

Il president communal:  
*René Epp*

Il canzlist communal:  
*Andri Hendry*

*Per l'interpretaziun da quest regulativ vala il rapport dalla cumissiun parlamentara predeliberonta dils 30 da matg 2012.*